



IMIRONGO NGENDERWAHO KU BIKURIKIZWA N'IBISABWA KUGIRA NGO HATANGWE URUHUSHYA RWIHARIYE KU MUNTU WIFUZA GUKORA, GUKORESHA, GUTUMIZA MU MAHANGA CYANGWA GUCURUZA AMASASHI N'IBIKORESHO BIKOZWE MURI PULASITIKI BIKORESHWA INSHURO IMWE CYANGWA GUPFUNYIKA IBICURUZWA MU MASASHI AKORESHWA INSHURO IMWE

Intangiriro

Isi yugarijwe n'ikibazo cy'ingutu cy'ibikoresho bikozwe muri pulasitiki, bituma amazi adatemba uko bikwiye, bikabangamira amazi y'inyanja ndetse bikica ibinyabuzima byo mu mazi.

Mu Rwanda, ibikoresho bikozwe muri pulasitiki bikoreshwa inshuro imwe nk'amashashi byagiye bigira uruhare mu gutera myuzure no gutuma umusaruro w'ubuhinzi uba muke, bitewe n'uko ayo masashi yabaga yabujije amazi kwinjira mu butaka. Ibikoresho bya pulasitiki kandi byagiye bihumanya ikirere igihe byabaga bitwitswe.

Mu 2008, hatowe Itegeko n° 57/2008 ryo ku wa 10/09/2008 ryerekeye kubuza ikorwa, itumizwa, ikoreshwa n'icuruzwa ry'amashashi akozwe muri pulasitiki mu Rwanda.

Kubera ko andi moko ya pulasitiki (atari amashashi akozwe muri pulasitiki) na yo abangamira ibidukikije, byabaye ngombwa ko itegeko ryagurwa kugira ngo rigenge n'ayo moko yandi ya pulasitiki.

Ni yo mpamu hatowe Itegeko n° 17/2019 ryo ku wa 10/08/2019 ryerekeye kubuza ikorwa, itumizwa mu mahanga, ikoreshwa n'icuruzwa ry'amashashi n'ibikoresho bikozwe muri pulasitiki bikoreshwa inshuro imwe. Iryo tegeko rigamije kubuza ikoreshwa ritari ngombwa n'ijugunywa ry'ibikoresho bikozwe muri pulasitiki bikoreshwa inshuro imwe kuko bimaze kuba umutwaro ku bidukikije. Muri rusange ibyo bikoresho birabujije.

Kubera ko hari impamu zihariye zishobora gutuma ibikoresho bibujije bikenerwa, iryo tegeko riteganya mu ngingo yaryo ya 4 uburyo bwo gusaba uruhushya rwhiariye hakurikije imirongo ngenderwaho ishyirwaho n'Ikigo cy'Ighugu Gishinzwe Kubungabunga Ibidukikije.

Mu rwego rwo gushyira mu bikorwa ingingo ya 4 y'iryo tegeko, Ikigo cy'Ighugu cyo Kubungabunga Ibidukikije cyashyizeho imirongo ngenderwaho iri mu ngingo zikurikira. Iyi mirongo ngenderwaho igena ibikurikizwa n'ibisabwa kugira ngo hatangwe uruhushya rwhiariye. Igene kandi ushabora kurusaba, uko rusabwa n'ibikubiye mu nyandiko irusaba.

Ingingo ya mbere: Umuntu wemerewe gusaba uruhushya rwhiariye

Umuntu wemerewe gusaba uruhushya rwhiariye ni:

- 1° ukora ibicuruzwa bipfunyikwa mu masashi n'ibikoresho bikozwe muri pulasitiki;
- 2° utumiza mu mahanga cyangwa ukora ibikoresho bikozwe muri pulasitiki ibora mu miterere isanzwe;
- 3° ukoresha ibikoresho bikozwe muri pulasitiki bikoreshwa inshuro imwe.



Ingingo ya 2: Ubusabe bw'uruhushya rwihariye rwo gupfunyika muri pulasitiki

Ubusabe bw'uruhushya rwihariye rwo gupfunyika muri pulasitiki bwemerwa iyo:

- 4° Igicuruzwa cyakorewe mu Rwanda; Igicuruzwa kidafite ikindi kintu cyapfunyikwamo ku isoko ryo mu Rwanda no ku isoko mpuzamahanga;
- 5° Ibura ry'igikoresho gipfunyikwamo rishobora kugira ingaruka ku bwiza bw'igicuruzwa.

Usaba uruhushya rwo gupfunyika ibicuruzwa byoherezwa hanze aruhabwa nta bindi asabwe iyo agaragaje ko ibyo bicuruzwa byagenewe coherezwa hanze.

Ingingo ya 3: Ubusabe bw'uruhushya rwihariye ku bikoresho bikozwe muri pulasitiki bikoreshwa inshuro imwe

Ubusabe bw'uruhushya rwihariye ku bikoresho bikozwe muri pulasitiki bikoreshwa inshuro imwe bwemerwa gusa ku bikoresho bigenewe gukoreshwa mu:

- 1° ubuvuzi;
- 2° ubuhinzi n'amashyamba;
- 3° itwara ry'imyanda n'isukura;
- 4° ubwubatsi;
- 5° ibikorwa by'inganda;
- 6° ibikorwa by'amapiro.

Usaba agomba kugaragaza ko nta bundi buryo buhari bwasimbura igikoresho gikozwe muri pulasitiki gikoreshwa inshuro imwe asabira uruhushya rwihariye.

Ingingo ya 4: Ibikubiye muri dosiye y'ubusabe

Ubusabe bukorerwa mu rubuga rw'ikoranabuhanga rwabigenewe cyangwa mu nyandiko.

Iyo ubusabe bwakozwe mu nyandiko, dosiye igomba kuba igizwe n'ibi bikurikira:

- 1° ibaruwa isaba;
- 2° inshamake isobanura impamu yo gukoresha igikoresho gikozwe muri pulasitiki gikoreshwa inshuro imwe;
- 3° gahunda y'uburyo imyanda izacungwa igaragaza uko imyanda ikomoka kuri ibyo bikoresho izakusanywa hagamije kuyivugurura cyangwa kuyijugunya, ababishinzwe, igihe n'ingengo y'imari byagenewe icyo gikorwa;
- 4° urugero ndeberwaho rw'icyo gikoresho;
- 5° inyandiko igaragaza ingano y'ibikoresho bizakenerwa n'inshuro bizakoreshwa;
- 6° inyandiko igaragaza inkomoko y'ibikoresho n'imiterere yabyo mu rwego rwa tekiniki.

Ingingo ya 5: Urwego rushinzwe gusuzuma ubusabe

Ubusabe bwohererezwa Ikigo Gishinzwe Kubungabunga Ibibukikije.



Ingingo ya 6: Gusuzuma ubusabe no gusubiza

Gusuzuma ubusabe no gutanga igisubizo kuri ubwo busabe bikorwa mu gihe cy'iminsi irindwi (7) y'akazi uhoreye ku munsi dosiye isaba yakiriweho.

Iyo Ikigo gishinzwe Kubungabunga Ibibukikije gikeneye indi minsi kugira ngo gitange igisubizo, igihe giteganywa mu gika cya mbere cy'iyi ngingo gishobora kongerwa nyuma yo kubimenyesha mu nyandiko uwasabye uruhushya, bigakorwa mbere y'uko minsi irindwi (7) irangira ibarwa uhoreye igihe ubusabe bwakiriwe.

Icyemezo cyo kwanga ubusabe kigomba kugaragaza neza impamvu butemewe.

Iyo ubusabe bwanzwe kubera ko dosiye itarimo inyandiko zose za ngombwa, usaba agomba kuyuzuza akongera agasaba bundi bushya.

Ingingo ya 7: Ubujurire

Iyo uwasabye uruhushya atanyuzwe n'igisubizo yahawe n'Ikigo gishinzwe Kubungabunga Ibibukikije, ashobora kukijuririra kuri Minisitiri ufite ibibukikije mu nshingano ze mu gihe cy'iminsi cumi n'itanu (15) uhoreye ku munsi yamenyesherejweho icyo cyemezo.

Ubujurire bugomba kuba bugizwe n'ibi bikurikira:

- 1° Impamvu z'ubujurire;
- 2° Kopi y'icyemezo kijuririrwa;
- 3° Indi nyandiko yose yakwifashishwa.

Igisubizo cy'ubujurire gihabwa uwajuriye mu gihe kitarenze iminsi itanu (5) y'akazi.

Ingingo ya 8: Ikurwaho ry'imirongo ngenderwaho isanzweho

Iyi mirongo ngenderwaho ikuraho imirongo ngenderwaho yo ku wa 09/10/2019.

Ingingo ya 9: Igihe iyi mirongo ngenderwaho itangira gukurikizwa

Iyi mirongo ngenderwaho itangira gukurikizwa ku munsi ishyiriweho umukono. Ntishobora guhindurwa bidakozwe mu nyandiko.

Bikorewe i Kigali, ku wa ..0.0. DEC. 2019

Eng. Coletha U. RUHAMYA
Umuvozi Mukuru

